

B. N. C.
FIRENZE

1144

4

P5

1144. 4

471



LA CVERRE

CRVELLE ENTRE LE

Roy Blanc, & le Roy Maure,
traduiſte par le Seigneur
des Maſures.

1144
4



A P A R I S,

De Pour Vincent Sertenas Libraire, tenant ſa boutique en la gal-
lerie, par ou lon va à la Chancellerie, & en la Rue neuſue no-
ſtre Dame, à l'enſeigne Saint Jean l'Euangeliste.

1556.

Auec Priuilege.



LA COUVERTE
A V. SEIGNEUR

d'Euron.

De ieu d'Escheez point ie n'auoye
Quand chez moy tu feiz ton retour,
Or (mon frere) vng ie t'en enuoye
Que i'ay tourné dessus mon tour.



11

EVERON AV SEIGNEVR
des Masures.



I'AY receu ta traduction de Ihero-
nimo vida. Laquelle i'ay faicte Im-
primer, pour n'estre veu moy seul
ionysant de la lecture, d'une si gen-
tille œuure. Et pour-ce qu'il m'a semblé que ce nō
d'eschiquier estoit de trop foible resonance, veu la
grauité de tes vers, le l'ay nōmé guerre cruelle en-
tre deux Roys. Ce que ie te prie ne trouuer point
mauuais, mettāt pour mō excuse deuāt tes yeulx.
L'assurance que i'ay de l'amitié que tu me porte.
Et a Dieu de Paris ce xxv. de Iuing 1556.

De luy mesmes.

La Guerre de ces deux Roys
De contraire nation
Hā estonné maintesfoys
Le leut de ton Amphion
Quoy qu'il soit dessus la Roche
D'une eau froyde enuironné
Ou le soldat point n'approche
Pour veoir son front coronné.

A.ij.

Mais tes vers qui vont bruyant
A l'entour de ses oreilles
Des soldatz qui vont fuyant
Par deux Reynes dispareilles
Et tant de sang resspandu
Par l'une & l'autre Guerriere
Luy ont l'esprit susspandu
Prest a prendre la Carriere

Son leut sa main & les Cordes
Tremblent de peur accordant,
Tes vers quand tu les recordes
En leur fureur desbordant:
Ainsi ta Muse haultaine
Ouure l'oeil si graüement,
Qu'Amphion & sa fontaine
Ne craint que son mouuement

Poulce doncq a la Campaigne
De tes vers le clair brandon,
Puis que le Ciel t'accompaigne
Metz le reste en habandon
Donne iusque aux terres estranges
Escriuant fidelement
Du Dieu viuant les louanges
Pour viure eternellement

Le seigneur des Masures.

A MONSEIGNEVR.

Monseigneur de Vaudemont.



*Sang esandre au trenchant
de l'espee,
Maint homme ensemble en ce
combat s'alie.
Ou l'ennemy ne se reconilie
Qu'apres la bande en route
dissipee.*

*L'un des Roys pris, ou la teste coupee,
Tout au pouoir du vainqueur s'humilie.
Tel fut iadis aux champs de Pharsalie
L'aspre conflict de Cesar & Pompée.*

*Mais le peril est seul aux combattans.
Et peult on veoir icy vingt & vingt ans
Leur dur effort sans peine, horreur ne crainte
Or ce pendant qu'en paix tu nous maintiens,
Tu peulx seigneur (& nous qui sommes tiens)
Condigne en ieu ceste bataille sainte.*

A.ij.

EVERON AUX PRINCES-
ses de France.



*L'honneur, le pris, l'avantage,
la gloire,
De tout le camp aux Princes-
sis appartient
Vous y verrez & la blanche
& la noyre,
Saccaiger tout de fureur qui les tient
La main, les yeulx, qui les poulce et retiët
Font les effortz de si piteulx esclandre
Cest cruaulté de veoir le sang esandre,
A qui deuroit ne porter que douceur
Et pis encor que vostre oeil va surprendre
Celuy qui pense avoir le ieu plus seur.*

LA GVERRE CRVELLE
entre le Roy blanc, & le Roy
Maure.



*Le chante en ieu vne Guerre
pourtraicte.*

*D'un fier combat la semblan-
ce ie traicte*

*Tirée au vray, vne sainte en-
buy, d'armes.*

Le ieu d'un regne, & d'un camp de gendarmes.

Comme deux Roys, l'un à l'autre s'opposent:

Et pour l'honneur, au combat se disposent.

L'un marche blanc, l'autre noir sur les rengs:

Ainsi armez de harnois differens.

Declairez moy du Touure Nimphes gentes.

Ces durs effortz & rencontres vrgentes.

Qu'aucun Poete encor en escriuant

N'ha oncq' osé toucher par cy deuant:

Chemin n'y ha. Mais d'aller i'ay enuie

Ou mon ardeur me raut & conuie.

Et fault que (braue) entreprendre on me voie

D'entrer aux lieux qui n'ont trace ne voie.

A. iij.

*Le Touure
riniere*

*d'Angou-
lesme, fort
bantie de
signes.*

La guerre du Roy blanc.

O doncques vous deesses, ceste fois
Conduisez moy aux rochers ou ie vois
Lieu sans acces, ny recueil qu'on y sente.
Et m'enseignez vne secrette sente,
Car dessus tout à vous peult conuenir.
Ce ieu entendre, & vous en souuenir.
Par vous, en France, opulente contrée,
Premierement la mode en fut monstree,

L'eschi-
quier &
les eschez
dultz de la
Nimphe
eschicque.

Memoire insigne & tesmoignage seur
De la gentille Eschicque vostre seur.

Vng iour alla Iuppiter aux manoirs
Es regions des Ethiopes noirs
Et de Mennon, daignant estre parmy
L'ample festin d'Ocean son amy,
Lequel adoncq celebroit l'himenée
De terre, à soy pour compaignie amenée.
Le cueur entier des Lieux s'y assembla.
La feste gaye entierement combla
Tout le riuage, & de la vehemence
Du bruiet esmen, bruyoit la Mer immense.

Or estoit ia de viures delectables
La faim remplye, & leuées les tables.
Quant Ocean, pour au ieu de vain pris
Faire amuser des hault dieux les espritx.

Et

Et passer temps, commande qu'on apporte
 Vn tableau peint de differente sorte.
 Auquel par ordre, il y a pour s'esbatre
 Diuers quarreaux, en tout soixante & quatre.
 De tous costez dont la trace le duiet
 L'escarrissant, des fillons y ha huiet
 En rengs pareilz, qui d'une mesme forme,
 Ont leurs quarreaux, & de grandeur conforme.
 Mais tous entre-eulx pareille couleur n'ont.
 Ains en changeant, l'un apres l'autre vont
 Alternatifz, si que par ordre expres
 Assis les noirs, les blancs viennent apres.
 Ne plus ne moins que souuent on peut veoir.
 Vne tortue en sa coquille auoir
 Le dos bossu bigarré à trauers,
 Et y porter lineamens diuers.
 Adoncq aux Dieux, à par soy de cecy
 S'esbaissans, Ocean dit ainsi.

Cy voyez vous la campagne fermée,
 De Mars en ieu & le fort d'une armée.
 Dedans ce camp les gendarmes verrez
 L'un contre l'autre, aux glaiues acerez,
 Porter guydons en bataille contraire:
 Et par semblant le combat contrefaire.

La guerre du Roy blanc,

A regarder cest esbat & spectacle
Dessouz les eaux, en l'humide habitacle
Prennent plaisirs les Nereïdes belles,
Et ceulx aussi qui en la troupe d'elles
Sont habitans en la mer, quant souuent
L'onde est partout calme, coye & sans vent.
Et puis vey formez de belle taille
Les combatans pour iouer la bataille.

Ainsi dit-il, puis d'une boîte verse
Sur ce tablier, de pareure diuerse.

Les esche- Des corps de buy, bien poliz alentour.
22. D'hommes armez, par art tournez au tour,
Corps contrefaictz, aux nostres ressemblans,
D'ouuraige exquis, tant des noirs que des blancs
Deux bataillons en diuers appareil,
De force egalle, & en nombre pareil,
Cest ascauoir seize vaillans gendarmes
Aux harnois blancs, & seize aux noires armes.
Comme chascun d'une, & d'une autre sorte
Hâ le visage, & chascun son nom porte,
Ainsi ont ilz chascun la charge sienne,
Et fault qu'à part son ordre chascun tienne.
Les Roys. Là sont les Roys, à qui d'une couronne
De pareil pris, le hault chef s'enuironne.

Des Roys aussi les femmes avecq' eulx,
 En guerre ayans courages belliqueux.
 Aucuns à pied endurent les trauaulx.
 Les autres sont montez sur fiers cheuaulx.
 D'autres y ha qui de leurs bras puissans
 Deça, delà, tirent les traictz perceans.
 Puis d'animaulx encores n'y ha faulte,
 Chargez de tours en eminence haulte,
 Vous, au grãd faiz qui d'eulx se porte & guinde,
 Penferiez veior des fortz Elephans d'Inde.

Les Roy-
 nes.

Les pion-
 Les cheua-
 liers.
 Les folz.
 Les rocz.

La doncques tous en bataille sont mis,
 La marchent tous contre leurs ennemys
 Les esquadrons, & veoir on les cohortes
 Mises de rang, aux deux armées fortes.
 Premièrement en la ligne derniere

L'assiette
 des Escha-
 rez.

Sont les deux Roys d'excellente maniere
 Des deux costez assis au siege quart:
 Directement de l'une à l'autre part
 En mesme traict l'un deuant l'autre d'eulx,
 Si qu'au surplus, qui demeure entre deux,
 De six parquectz entiers est le lieu franc,
 Le blanc au noir, & le noir est au blanc.

Puis au plus pres sans difference aucune
 Les Roynes sont, dont se rengen chascune

B.jj.

La guerre du Roy blanc,
Au prochain siege, & se ioinct a son Roy.
Des l'eux ainsi donnez selon la loy,
L'une au mary serre le costé droict,
L'autre en son reng touche au fenestre endroict.
Sur le quarreau qui de fin noir se marque
La noire sied, la blanche au blanc se parque:
Ainsi chascune à l'assiete premiere
Garde & retienit sa couleur coustumiere.

Puis des archers ieunes en ordre gent
Deux en y ha parmy la noire gent.
Deux d'autre part aussi blancs que la neige.
Les Grecz iadis (car souuenance en ay-ie)
Leur ont donné le nom Arëiphile,
Pour-ce qu'en guerre ilz tirent à la file
Sur tous aymez & bien vouluz de Mars.
Entre lesquelz sont enclos des deux partz
Le Roy ensemble, & la Royale Dame.

à enq̃i d'ice
aymé de
Mars.

Puis ça & là reluyfent comme flamme
Deux cheualiers, dont chascun porte & meët
Le sayon d'or, la chreste sur l'armet,
Et tiennent prest le cheual braue & fort,
Pour se ruer au Martial effort.

Après ceulx cy veoit on les tours iumelles
Aux boutz du camp, & si veoit on comme elles

Seruent de murs, creneaulx, & bolleuertz,
Pour repoulser les durs assaulx diuers.
Là sont ces tours sur les dos soustennues
Des Elephans, tendantes vers les nues.

Finalelement tant a vng costé, comme
A l'autre bande, y ha le nombre en somme
De huit pions, dont chascun pour sa part
Au reng premier en armes marche & part.

Partie au Roy soldartz legionnaires.

Les autres sont seruantes ordinaires.

Pions &
pionnes.

De la guerriere, à qui le harnois sied

Et sonne au dos. Si vont ces gens de pied

A tout danger qui premier s'offre & touche:

Chargent premiers, commencent l'escarmouche.

Ainsi chascune à son Roy, & pour luy

En ordre sont ces legions de buy.

Des deux costez: non autrement dressées

A double reng sont ces bandes pressées,

Que si les corps on voyoit sur les champs

D'hommes François en bataille marchans,

Qui tous du froid des alpes & montaignes

Blancs comme lait, portant blanches enseignes

S'allassent mettre en ce point, au deuant

De la gent More, & peuples de leuant,

La guerre du Roy blanc,
Ars du soleil, & marchassent aux landes
Contre Mennon le noir prince, & ses bandes.
Lors Ocean le bon viel pere, au chef
Graue & chenu dit ainsi de rechef.

Les pas des
Eschez.

Celestes dieux, entendez tous les pas
Et les loix d'eulx (car sans loy ne sont pas
Ces gens de guerre, & ce fort exercite)
Qu'a nul d'enfraindre ou faulser n'est licite.
Premierement les Roys au dur estour.

L'un apres l'autre & chascun a son tour,
Enuoyent vng de leurs gens qui va là,
Et passe ainsi que le Roy choysi l'hà.
Si vng de tous qui les noirs accompagne
Armé de noir se iecte en la campagne,
Incontinent du reng blanc se va traire
Vng blanc armé, qui s'oppose contraire.
Et n'est permis que plus d'un charge au cop
Son ennemy, en trouppes de beaucoup
Un seul propos, vne entente, vng desir,
Est seul a tous, d'auoir lieu & loisir

Donner le
tatt.

Tenir le Roy de la partie aduerse
Si bien enclas que souyr sans trauerse
Mort ou prison, aucun pouoir n'ait-il,
Ny le fort siege eschapper d'art subtil

Tous ont entre-eulx ceste entreprise, affin
 Que la bataille en cela pregne fin.
 Si ce pendant ilz rencontrent quelcun.
 Tenant contre eulx, n'y ha respit aucun.
 Ains pour plustost par effortz diligens,
 Matter le Roy desnüé de ses gens.
 Ilz font passer au trenchant de l'espee,
 La troupe au camp ça & là dissipée.
 Et pour les mortz qui tombent des deux partz
 Moindre & plus cler veoit on le nombre espars.
 De plus en plus la peincturée plaine
 De combatans se rend vuyde & moins pleine.
 Car mourir font leurs ennemys en guerre.
 Puis en mourant eulx-mesmes vont par terre.
 Mais il conuient que celluy qui ha mis
 A mort amere vng de ses ennemys,
 Se mette au lieu de cil qui mort endure.
 Et qu'il soustienne illecq' la charge dure
 Du camp vengeur, vne fois pour le moins.
 S'il peut le cop eniuer neantmoins.
 Soudain luy est loysible en la carriere
 Leuer le pied & se tirer arriere.
 Or' aux pions sans plus, quant on se bat,
 Est deffendu par les loix du combat,

3 La guerre du Roy blanc,
De recueillir, des qu'une foys au ieu
Ilz sont partiz, les perdre couste peu,
Vng seul marcher a tous ne s'accommode,
Ny de combattre vne pareille mode.

Lamarche
de pion.

Quant le pion passe à la guerre, & marche,
Il peult sans plus s'aduançer d'une marche,
Et en marchant de cueur franc & non vil,
Vers l'ennemy, tire a luy de droict fil,
Mais toutesfoys quand premier il se meue
De son parquet, plus auant tirer peut:
Car d'un pas double il ha pouoir expres.
Puis s'il combat l'aduersaire de pres,
En le frappant son cop il tire oblique,
Et au costé furtiuement applique
Le fer trenchant, dont la dure playe entre
Parmy le creux des entrailles du ventre.

Lamarche
du roc.

Mais les iumeaux Elephans lourdz & gros,
Dont ça & là le camp entier est clos.
Lors que les tours ilz portent, & parmy
L'aspre meslée ilz chargent l'ennemy,
Vont de front droict, puis la dextre suyuant
Puis la fenestre, en arriere, en auant,
Et librement chascun d'eulx passe & boutte
Frappant, tuant, par la campagne toute

Pourneu

Pourueu que d'eulx aucun ruer ne tache
 Le cop oblique, & de trauers le cache:
 Ceste maniere est permise en ce parc
 Tant seulement à ceulx qui porte l'arc,
 Aymez de Mars: car fortz & hazardeux
 Obliquement tousiours tirent tous deux.
 Du chemin blanc l'un iamais ne s'absente.
 Et l'autre tient tousiours la noire sente.
 Ainsi suyans traces non ambigues
 Tirent tous deux leurs sagettes aigues.
 Et n'ont pouoir iamais changer de voie.
 Combien qu'aller par le camp on les voye
 Deça, delà: & tenant l'arc au poing
 Courir par tout les sieges large & loing.

La marche
 du fol.

Le cheual faulte, & fier mordant le frain
 Tire a la bride: & iamais en son train
 Parmy les renga n'est la course tenue
 D'une carriere entiere & continue.
 Ains contremont il se guinde & bondit.
 Courbe son pas: sa volte il arrondit
 Impetueux: la contourne en croissant:
 Et de son lieu deux marches va passant.
 Si au quarreau noircissant il se pose,
 De là partant la loy veult & dispose

La marche
 du cheua-
 lier.

La guerre du Roy blanc,

*Qu'il entre au blanc, & que par sa valeur
Tousiours du siege il change la couleur.
Si qu'il se mette, ainsi bondissant hault,
Ferme au parquett, d'un seul & certain sault.*

*La marche
de la Roy-
ne.*

*Mais entre tous, la Royne qui enrage
D'un magnanime & valeureux courage,
De tout le camp la meilleure partie,
Tire de front, tourne au dos conuertye:
Donne à la dextre, à la fenestre espace:
La voye oblique encores court & passe,
Mais de droict fil tousiours elle va, pource
Qu'elle ne peut s'eslancer en sa cour se
D'un courbe sault, ainsi que le cheual.
Elle n'a but, courant à mont, à val.
Ne bourne aucune: ains s'en va d'une tire
En quelque part que sa fureur la tire:
Pouruen que nul de la partie aduersé,
Ny de ses gens se trouue à la trauerse,
Par qui la voye entre-deux soit fermée.
Car nul ne peut sur aucun de l'armée
Faire le sault, c'est vng pas singulier,
Qui appartient sans plus au cheualier.*

*La marche
du Roy.*

*Chascun des Roys de haulteur excellente
Va sagement & d'alleure plus lente.*

De la bataille en eulx se fortifie
 Le faict entier: y espere: & s'y fie.
 Viuant le Roy, & tandis qu'il ha l'heur
 Chascun combat, & monstre sa valeur.
 Des qu'il est pris, ou mort rué par terre
 On se retire: & là fine la guerre.
 Ainsi sa mort ou prise est de tel pris
 Que tout se pert quand il est mort ou pris.
 Parquay tardif il temporise: & tous
 Luy font honneur: & si les verriez vous
 Enuiron luy s'amasser en gros nombre
 Pour le deffendre au fort de tout encombre.
 Là bien souuent, pour luy sauuer la vie
 Vont au deuant du cop & ont enuye
 Leurs propres corps à la mort hazarder,
 Pour de Peril le noble Roy garder.
 De luy n'est poinct l'entente ou le debuoir
 Battre, ou ferir, ou armes esmouuoir,
 Assez luy est qu'il se coeuure & contraigne,
 Si que la mort instante ne l'actaigne.
 Nul si hardy toutesfoys ne se treuue
 A l'approcher, qu'à son dam ne l'espreuue,
 Car (a vray dire) il ha souverain droit
 De les charger, & nuyre à tout endroit.
 C.ij.

101 • La guerre du Roy blanc,
Loing au combat il ne passe ne court
Ains au partir de sa Royale court,
Des qu'une fois en augure premier
Il ha laissé son siege costumier,
Plus il ne peut & sa mode n'est pas,
De s'advancer plus avant que d'un pas.
Soit qu'à offendre ou abattre il s'efforce
Son ennemy, soit qu'il ne face force
A nul d'entre-eulx: ains en la plaine vnye
Sans faire mal il se marche & manie,
Vela comment ceste guerre s'esbat,
Vela les loix antiques du combat.
Or' maintenant voyez comme se bande,
A batailler, & l'une, & l'autre bande.

Là leur tenoit Ocean propos telz,
Mais pour autant que lors que les mortelz
La guerre font, les celestes aussi
Portans faueurs diuerfes, ont soucy
De leurs debatz, & d'heur malencötreux.
Si fierement se debattent entre-eulx,
Qu'en sorte estrange & non accoustumée
Par tout le ciel est la guerre allumée,
Le tout puissant Iuppiter, de son lieu
Plus eminent, parlant à chascun Dieu,

Leur commanda que nul en façon telle
 Ne s'entremeist de la guerre mortelle.
 Mesmes afin que faueur ne s'y donne,
 D'aspre menace Et dure les estonne.
 Puis apela Phebus, qui le cheueu
 Non tondu porte, Et d'Atlas le neuueu,
 En qui planté de gentileffe abonde:
 Si le conceut iadis Maia la blonde
 Furtiuement, tous deux à l'aduantage
 De face insigne, Et de florissant aage.
 Mercure encor' aux iambes diligentes
 Ioinctes n'auoit ses talonnieres gentes.
 Phebus aussi ne menoit pas encore
 Au char qui tout de gemmes se decore
 Parmy le ciel estendu, large, Et beau,
 Son clair soleil Et reluyfant flambeau.
 Ains à la main portoit-il l'arc turquois
 Les cheueux d'or au col, Et le carquois.
 Le pere doncq' commande sans attente
 Qu'eux deux, sans plus, applicquent leur entente
 L'un contre l'autre, à ceste charge expresse:
 Et qu'au combat au ieu donnent adresse:
 Les deux partiz soustenans pour plaisir,
 Comme ilz voudroyent chascun d'eulx les choisir,
 C.iiij.

Apollo Et
 Mercure.

La guerre du Roy blanc,

Puis au vainqueur print son los & victoire,
Meist & propose vn guerdon meritoire.

Les plus grans Dieux s'asirent & par tout
A l'environ fut restante debout
Des petitz Dieux la commune assistance.

Desseins de
parier, ou
d'enseigner
au sceu.

Mais il fut dict par loix, & par sentence,
Que nul n'osast aux deux ioueurs insignes
Monstrer au doigt, ne par voix, ne par signes
Les cops preueuz. En fin le sort on baille
Lequel d'entrer premier à la bataille

Sort à qui
iouera le
premier.

Aura puissance, & sera l'assaillant.
Le premier lieu fut aux preux & vaillant
Conducteur blanc, qui eut en cest endroit
Loy d'enuoyer tel homme qu'il voudroit.
Certainement, tirer ce premier cop
Est bien vng poinct qu'on estime beaucoup.

Luy à par soy, agite en se taisant.
Qui sera cil qui la poincte faisant
Doibt au marcher auoir le premier lieu.
Ainsi pensant faict entrer au melieu,
Du camp ouuert, vng pion braue & fort,
Lequel couuroit la Royne de l'effort
De l'ennemy. Celuy dont ie vous compte
Deux pas s'aduance & double degre monte,

Incontinent le Roy Maure y enuoye
 Vn pion noir, qui en la mesme voie
 S'oppose droict, la le fait soutenir
 Contre celuy qu'il veoit ainsi venir
 Contraire à soy: si qu'en armes se monstre
 Pareil à luy, & combat à l'encontre.
 Doncques tous deux, & chascun vif & prompt,
 Droict vis à vis l'un de l'autre, & de front,
 Au plain melieu du large camp sont-ilz;
 Et à tirer taschent leurs cops subtilz.
 Mais c'est en vain, car des pions la guise
 Et l'ordre est tel, qu'ilz n'ont pouoir qui nuise,
 Lors que tous deux de hardiesse & grace
 Vont l'un vers l'autre en vne mesme trace
 Leurs compaignons, au secours des deux partz
 Viennent, à dextre & à senestre espars.
 D'hommes armez est la place comblée.
 La charge à cop de recharge est doublée.
 Pas n'est encor' toutesfois d'horreur pleine.
 La guerre entre-eulx: ains paisible en la plaine
 Mars au melieu des gendarmes s'esbat.
 Pas ne vont loing, sur sa garde au combat
 Seul se tenir chascun se rememore.
 Ce temps pendant le pion du Roy Maure
 Ciiij.

La guerre du Roy blanc,
Qui le premier estoit venu deuers
Son ennemy, auoit ia de trauers
Secrettement desgainé son espée.
Si ha la vie à l'instant occupée
D'un pion blâc: & de braue entreprise
Fort vaillamment il ha sa place prise.
Mais le soldat au miserable poinct
Las, à costé apperceu n'auoit point
Son ennemy, dôt tombe aussi par terre:
Et à la mort habandonne la guerre.

Retraict
du Roy,
par soubz
leroc.

Lors finement de ces ruzes fait vne,
Se retirant le Roy de la gent brune
Hors de sa court, si bien qu'il se leua
D'icelle, assise au milieu; puis il va
Se referrer en cachette plus loing,
Au fons du camp, & à l'extreme coing.
Là se tint-il entre l'espais giron
Des gens de pied, renger à l'enuiron.

Soubdain de l'un & de l'autre party
Le cheualier belliqueux est party
A la fenestre: & tous deux roide & hault
Font ça, & là, sur les bandes maint sault
L'un apres l'autre: & sont commis par eux
Sur les soldatz, maintz meurtres rigoureux.

Là les pions, d'une horreur admirable
Par terre vont, ieunesse miserable,
Pource que d'eulx n'a puissance personne
De desmarcher. La terre bruit & sonne
Dessoubz les piedz des cheuaulx: & les corps
Parmy le camp entier s'abattent mortz.

Tandis qu'ainsi Phebus filz de Latone
Les pions tue, & bat, & les estonne
Cruellement ententif volte & meine
Son cheualier, qui de rage inhumaine
S'autant les reings, destruiet la bande obscure,
D'une autre ardeur est tout espris Mercure.
Et par moyens secretz, ce Dieu Arcas
Tend entreprendre, & faire plus grand cas,
Souuent il passe & laisse de son gré
Diuers pions qu'il treuve en leur degré
Menant par tout son cheualier fenestre:
Lequel guesant le Roy blanc en son estre
Cà & là, iourne: & prend le mor aux dens.
Va sans attaincte à trauers & dedans
Ses ennemys. En fin s'arreste coy.
Et longuement se tenant à requoy
Au lieu choisy, de mort soubdaine illecques
Le Roy menace, & l'Elephant auecques

Esches
pour le roc.

La guerre du Roy blanc,

*Lequel au coing de l'aile droicte estant
Dessus son dos les tours alloit portant:
Et hault en l'aer il esleuoit sa teste,
Masse terrible, & merueilleuse beste:
Trop fut marry delien de veoir.
Qu'au Roy enclos il luy conuiët pourueoir.
De prompt secours, aduertey de ce faire
Et que de mort au plus vrgent affaire.
Son Elephant sans deffense demeure;
Si qu'il ne peut les deux, sans que l'un meure
Sauluer du cop qui à tous deux s'adresse:
Dont il se veoit en dure & forte oppresse.
Mais le besoing qui plus tend à recours
Est de donner au Roy tremblant secours.
Au costé droict il le retire doncques.
Le cheualier au tainct noir saulte adonques
Sacque l'espée au poing: & s'eschauffant
D'un hardy cueur va tuer l'Elephant.
Dommage amer: pource qu'apres la fiere
Et forte dame, il n'y ha nul qui fiere
Si rudement, ne dont on ayt mestier.
Tant que de luy, en tout le nombre entier
Des combattans, si est-ce qu'en ce poinct
Dit Apollo) tu n'eschapperas point.*

Sans le sentir. Lors d'un esquadron ferme
 De gens de pied, il le ceint & enferme.
 Luy, se veoyant enclos tremble de peur,
 Et tasche en vain, sentant son peril seur,
 De se sauluer. Car l' Amazone dame
 D'une des partz, luy traire & ravir l'ame
 Fort le menace: & de l'autre part sied
 Le bataillon serré des gens de pied.
 Tué fut-il en fin par la pucelle,
 D'un rude cop de l'espée d'icelle.
 Mais le confort de ce cas inhumain
 Fut, le mourir d'une si belle main.

D'ardeur s'eschauffe à cop la bande blanche:
 Moins que deuant d'un costé ferme ou franche
 Et de fureur trop seruenta en courage
 De plus en plus allumée elle enrage,
 Comme à heurter quant le tore au exploïte
 Apres qu'il ha perdu sa corne droïcte,
 Qui en courant de front, pour conquerir,
 Son ennemy, s'est rompue à ferir,
 Plus furieux au combat s'esuertue,
 Le sang coulant de la corne tortue
 Les fortz armons à planté baigne & laue,
 Et la poitrine au fier courage & braue.

D.ij.

La guerre du Roy blanc,

*A son mengler fremist la forest toute.
De telle sorte à combattre se boute
La bande blanche, apres l'Elephant mort.
Phebus des l'heure ardamment & plus fort
Va de furie: & d'un cueur magnanime
Ses combatans à la vengeance anime.
Au fer, au sang, baissant la teste d'ire,
Pour le desir qu'il a d'offenser, tire,
Ruine & perd, sans ordre ne demy,
Ses gens ensemble, & le camp ennemy.
Si que pour veoir par effortz necessaires
Mortz & vaincuz tumbent les aduersaires,
Va de plain gré les siens propres offrir,
Sans les deffendre, à dure mort souffrir.*

*Chaleur &
inconsidera
tion d'A-
pollo.*

Plus cauteleux par finesse Mercure,

*Sage con-
duite de
Mercure.*

*De sagement temporiser ha cure.
D'un cop a l'autre, en sa marche qui tarde,
Les accidens il preueoit & regarde.
De longue main se tient il en suspens:
Deliberant tuer de guect a peus
La braue Royne: & pour son entreprinse
Executer, un pion met en prise,
Bien dissimule au ieu sa ruz e caute.
Fort (à le veoir) se repend de sa faulte.*

Et sousspirant par sa malice fine,
 Du fons du cueur, faire semblât ne fine,
 D'auoir failly. Tandis vng sien archer.
 Au canton droiët tendoit à descocher
 Vne sagette: Et la tirer au flanc
 De la pucelle au beau corselet blanc.
 Premièrement ne descourant l'abus,
 A la fenestre alloit tirer Phebus
 Son pion blanc, sur la noire cohorte:
 Ne scachant (las) cōbien ce fait importe.
 Mais la mauuaise Et pleine de cautelle
 Venus voyant vne ruine telle,
 Et si grand mal par pitié L'ericine
 De l'oeil secret au ieune Dieu feït signe,
 Clinant la face, Et luy donnant aduis:
 Car elle estoit assise vis à vis,
 Luy, aussi tost qu'il vit le seigne, a l'heure
 S'esponnantant, ferme arresté demeure.
 Et de sa veue errantë ça, Et là,
 Le camp entier considerer alla.
 Soudainement sentant de l'espion
 L'agueët dressé, retira le pion
 Qu'encontre l'autre auoit voulu rengers
 Et deffendit la Royne de danger,

D. iij.

Venus nō-
 mée Erici-
 nie, à cause
 d'vntēpla
 celebre qu'
 elle auoit au
 mont eris.

La guerre du Roy blanc,

*Le filz de Maie Atlantide soudain
Remplit de cryz le siege par desdain,
Et le riuage en estrange maniere,
Disant la Royne estre sa prisonniere.
Par tout s'eslicue vng bruiet entre les dieux
En leurs faueurs diuerfes studieux.
Là se deffend Phebus parmy la tourbe
Et dit ainsi sur le riuage courbe.*

*Pourquoy veult on le cop n'estre repris
Quand la main tire errante au ieu de pris?
N'est-il permis que l'erreur on corrige
Veu que la loy au contraire n'oblige?*

*Mais si tu veulx Mercure, apres cecy
Qu'on le deffende & qu'on le garde ainsi,*

*Fay l'ordonnance, & celuy au surplus
Qu'en la campagne on poulsera sans plus*

*De l'un des doyz, par tout & à chascune
De ces deux partz sans difference aucune
Soit blanc ou noir, qn'icelluy marche, & aille
S'aduenturer au sort de la bataille.*

*Ainsi dit-il. Et pleut teste sentence
A tous les dieux estans en l'assistance.
Lors Iuppiter, d'un ail secret & sage,
Feit a Venus vng bien mauuais visage.*

*Qui touche
il s'en, il
est dict.*

Et la tensant tellement faire sceut
 Qu' Arcas son filz point ne s'en appercent.
 Si gemit-il: Et de forte rancqueur
 Amerement luy fut saisy le cueur.
 Se contenir eut-il pouoir à peine
 Que de ses mains à trauers de la plaine
 Il ne rendist confuses & troubles.
 Des deux costez les bandes assemblées.
 Lors a par soy delibéré contendre
 D'astuce & d'art: & ses embusches tendre
 Par tout le camp. Dont pour ce faire, il trouffe
 Vng ieune archer acoustre de sa trouffe.
 Et le guydant, il luy faiët par compas
 Du chevalier contrefaire le pas.
 Il saulte doncq, & menasse subit
 De mettre a mort la Royne au blanc habit
 Mais Apollo cogneut la tromperie:
 Et la sentant, ne peut qu'il n'en soubrie.
 Aux assistans tourne la face: & dit.

Le fol, par
 finesse, faiët
 le sault du
 chevalier.

Quoy que Mercure a tromper ayt credit,
 Et aux larcins la main luy soit commode;
 Et toy (finet) combien que soit ta mode
 Prompte & agile à tromper chaque fois,
 Si n'en seray-ie abuse toutes fois.

La guerre du Roy blanc,
Corrige doncq (meschant) ta main ruzée,
Des regardans grande fut la risée
Par le theatre, & Arcas, comme si
Des corps la forme entre-eulx pareille, ainsi
L'eust faict errer, à retirer entend
En son pas deu le guerrier qui l'arc tend.
Deformais veille Apollo, qui ha peur
De l'embuscade & des tours du trôpeur
Qu'il dresse d'art & finesse furtiue.
Car en menant de marche alternatiue
Ses gēs aux champs sur les forz ennemys,
Contre le droict & l'ordre qui est mis
Redoubleroit les doyz de la main souple:
Et pour vng corps, bien souuene vne coupple
Aduanceroit, si par soing bien expres
Son ennemy n'y regardoit de pres.
Lors vn archer au blanc carquois s'oppose
Encontre vng noir cheualier: & s'ose
Tendre son arc, pour garder qu'il ne scache,
Frapper la Roynie à la gorge ou il tasche.
Puis l'Elephant qui au costé droict erre
Armé en blanc, ça & là, va grant erre.

Eschee en
vain, pour
la Roynie.

Vng cheualier en armes blanchissant
Tandis se parque entre le Roy puissant

jur. D

Et

Et la guerriere, en ce lieu hazardeux
 Fort brauement les menace tous deux:
 S'estimant seur & en place opportune.
 Si que desia trop fier de sa fortune
 Paissoit en vain son esprit à plaisir
 De la desspouille ou tendoit son desir.
 Souffrir ne peult ceste superbe gloire
 Vng ieune archer, portant la trouffe noire:
 Enfonse l'arc: descoche la sagette:
 Et rudement sur l'ennemy se iette:
 Combië qu'il veist vng pion blanc marcher
 Pour le tuer: mais le vaillant archer
 Mourir ne craint pour tant insigne l'os
 Le bruyant traict perce la chair & l'os:
 Se fiche au flanc: & l'acerée poincte
 Au plus profond des entrailles fut ioincte.
 De ce cop tombe on terre le cheual,
 Des piedz secoux l'aer bat amont, aual,
 Tant qu'indignée aux ventz s'en va la vie,
 Puis de l'archer fut tost l'ame rauie.
 Par le pion. Ce pion que ie dy,
 Fut emporté d'un autre plus hardy
 Lequel estoit de la partie aduerse,
 L'horreur s'eslieue icy dure & diuerse.

La guerre du Roy blanc,

Les Elephans leurs grosses tours soustiennent.
Et en grandeur horrible de front viennent.
Les fortz archers en armes trauerfans
Aux arcz bandez tirent leurs traictz perceans.
Et soubz les piedz des cheuaulx esgarez
Bruict la campagne aux quarreaux bigarez.
Tous, des deux partz, se monstrent en courage
Fort eschauffez, tous feruens a l'ouurage
L'un contre l'autre en grosse troupes vont
Grand est l'effort au dur combat qu'ilz font.
Les blancs, les noirs, leurs conducteurs ensemble,
L'espais amas des deux bandes s'assemble,
Et se serrant en la plaine fermée
Confuses sont & l'une & l'autre armée.
Fortune ensemble & vertu ne sont qu'une.
Tantost les vngs font sans mercy aucune
Tourner le dos aux autres mis en fuite:
Tantost d'eulx eulx-mesmes à la suite
S'en vont fuyans: & retournent tout court
Ainsi entre-eulx l'heur variable court.
Et verriez vous flotter tout le camp cloz
De la bataille: ainsi qu'en mer les flolz
Quand de prison sont eschappez les vents:
Et font la guerre animez & feruens:

Sus renuersans les eaux de comble en fons
En l'Ionie, ou aux goufres profondz,
De l'Atlantide: & vont d'orage fort
Vireuoltant les grands vagues à bord.

Mais entre tous cruellement resonne,
Et combattant va la blanche Amazonne:
Monstrant qu'au cucur n'y ha lascheté basse.
Car entre mil ennemys ard & passe,
Là en courant de poincte, la guerriere
Tue vng archer: puis retournant arriere
Vng Elephant: tous deux du party noir.
Or foudroiante à dextre on la peut veoir:
Or à fenestre: & sur les aëles charge,
Dardz espardant en pays grand & large,
Place luy font en bataille mortelle
Armes & gens, & fuyant deuant elle
Les esquadrons recullent ça, & là.
Par le melieu des ennemys qu'elle ha,
Parmy leurs traictz de force incomparable
Se rue, & tire a la mort honorable,
Va iusqu'au fons du camp extreme, pource
Qu'elle se fie en sa legere course.
Courage d'homme a la guerre elle porte,
Les bataillons tranuerse: & d'horreur forte,

E.ij.

La guerre du Roy blanc,
Se faiët passage à force & sans mercy.
En ce besoing va le peuple noircy
Mesmes le Roy, vers leur dame à recours,
Requerant ayde, & puissance & secours,
La Roynne ardente & feruente à merueilles
Se lieue a cop: marche en armes pareilles.
Quel hōme (las) vierge de grand vaillance,
Vng, second, tiers, n'abas tu de ta Lance?
Combien de corps en blancheur reluysans
Laisse tu mortz, sur la terre gisans?
Les cheuaux fiers tumbēt sur les quarreaux
A demy mortz, tant grisons que moreaux.
Des gens de pied les bandes vont par terre:
Et ceulx aussi que Mars ayme à la guerre
Ieunes archers, en bataille ordonnée,
Tirans de l'arc la sagette empennée.
Qui est celuy si bien dire scachant,
Qui iamais puisse egaller en son chant
De ce conflēt les miseres certaines?
Les cruaultez? Les mortz des capitaines?
De buy versē la campagne est couuerte.
Occision miserable est ouuerte.
Confus entre-eulx les deux partyz veoit on
S'entretuer, le blanc au noir canton

Tout s'entremesle, & tombent roides mortz
Tant les pions, que les cheuaulx les corps.
Car rudement les deux dames vaillantes
Aux lauelorz l'une, l'autre assaillantes
Portent barnois feminins: & font forces:
Ne se voulans d'une desmarche ou torse,
Fleschir ou rendre au combat: iusqu'à tant
Que ceste cy ou l'autre en combattant,
Auecques sang espars à planté grande
En l'aer subtil l'ame cruelle espanse.
A celle fin que la guerre elle endure
Sans en partir, iusques à la mort dure.

Ce temps pendant le Roy blanc & le noir
Tenoyent chascun en vng triste manoir.
Aupres du camp, les aduersaires pris
Et tous les corps priuez de leurs espritz:
Gardans que nul des prisonniers renduz,
Ne des tuez qui gisoyent estenduz,
Reprenant vie à la bataille rentre.
Mais estant lors vne amytié seure, entre
L'arcadien Mercure, & Mars de Thrace,
Qui appuyé se tenoit en la place
Contre Phebus: iceluy va par tout
L'œil & le sens tourner de bout en bout.
E.ij.

La guerre du Roy blanc,

*Chascun des cas soigneusement obserue,
Pour veoir s'il peut faire chose qui serue
A son amy: & si le fort l'oütroye.
Deux corps adonq' qui pour captiue proye
Tenoyent prison, il desrobe par dol:
A scauoir vng portant la trouffe au col,
Et vng pion, à la noire couleur,
De les tirer coyement trouua l'heur
D'entre les morez priuez de l'aer serain,
Puis les remist d'un secret souuerain
A la bataille, ilz sont doncques tous deux
Resuscitez: & combat chascun d'eulx,
Menât les mains au melieu des gédarmes
Et brauement ilz manient les armes,
Non autrement (cōme on dict) que la fille
Ou de Colchos, ou celle de Masile,
Trouuant vn corps transy de mort recente,
D'un chât magique hecate inuoque absente
A triple forme: & la grande deüé,
Du noir Pluton, soufffle au corps suscitê
Vne ame faulxe & vng vent qui babille.
Ce corps dresse parle, voit, & s'habille.
Iouist de l'aer en ceste vie humaine.
Et au melieu des viuans se pourmaine.*

*Mars fine-
ment remet
au ieu des
pieces pris.*

Le noir Vulcan, qui par geniture ha
 Sang de Iuno, ce forfait n'endura.
 (Car seul adonq' il descouurit l'abus)
 Hault il s'escrie: & le monstre à Phebus.
 Le Thracien pris ainsi sur le fait
 Palle deuient. Et Phebus qui le scait
 Ardusqu'aux os, de douleur rougissant.
 Lors contre Mars, le pere tout puissant
 Bien courroucé, commande par grand' ire
 Que hors du camp tel secours on retire
 Non conuenable & les corps illicites.
 Puis racoustrer fait aux deux exercites
 Les cops tirez: tant que tout fut rendu
 En son estat certain, premier & deu,
 Adoncq' les Roys de vaillante constance
 Plus que deuant font furieuse instance.
 Les Roynes vont par le camp, a planté
 Serre de gens le bras ensanglanté
 De meurtres maintz, & en fleur de ieune aage
 A tous costez font horrible carnage.
 Parquer se vont contraires ce pendant:
 Et va son Roy, chascune deffendant.
 Du reng des blancs sur l'heure la guerriere.
 La dame noire assaillant par derriere

E.iiij.

Les Roys
sont pris.

La guerre du Roy blanc,

A despourueu, morte en terre la vire.
Mais elle aussi attaincte d'une vire
Tombe a l'instant: helas trop malheuree,
Car sa victoire eut bien peu de duree
Chascune armee a l'heure despourueue
D'un tel support, alla tourner la veue.
Et diroit on, a veoir leur triste dueil,
Les feminins regretz, les larmes d'œil,
Le hault crier autant qu'onques on feit,
Et le hurler, que tout est desconfict.
Les Roys dolens en leurs courtz de retour
Sont de leurs gens, qui viennent alentour,
Environnez, Tous ont pareille craincte.
Tous, d'un orage, & de mesmes contraincte
Sont oppressez en ces miseres vrayes.
Et ont chascun maintes profondes playes.
Mais à tous deux ce neautmoins n'est point
Faillye encor la force de tout poinct.
A guerroyer y ha quelque matiere,
Et reste encor vne ieunesse entiere.
Troys fortz pions, à Phebus, qui sont teste
Vng des archers: & la puissante beste
Qui ha le dos de fortes tours muré.
Autant qu'à luy en est il demeure

Au Dieu Arcas, seulement ha il faulte
 De l'Elephant: lequel en la court haulte
 Peu parauant se maintenant en paix,
 Auoit esté parmy le nombre espais
 Abattu mort: ou il perdit adonques
 Armes & vie: & n'eut gloire quelconques.
 Le cop receu en la poitrine basse
 Luy vint de loing, tiré d'un trait de passe.
 Mais en ce lieu encor y ha restant
 Vng cheualier brusquement resistant
 Tout le surplus est mort en la bataille.
 Le cruel Mars ha d'estoc & de taille
 Emporté tout, & le sort des combatz;
 Ayant deffaict & soudain rué bas
 Les belles courtz, nagueres en leur fleur.
 Lors a Mercure epandant large pleur
 Fault tout espoir. Il ard ayant du pire.
 Des siens perduz se souuiens & sousspire.
 Plainct & regrette en ses dolens recors
 Tant de seigneurs, & tant de vaillās corps.
 Si ne sort-il du combat malheureux.
 Le peu de gens qu'Apollo rigoreux
 Luy ha laissez, ia mis a van de route,
 Meine & r'allie avecq astuce toute.

La guerre du Roy blanc,

*Et tasche, après telle ruine aperte;
Par quelque sort, à recouurer sa perte.
Parmy les chäps chemine & faict arrest
En tout endroit, la bande qui noire est:
Deliberant tenter toute fortune
Pour à offendre auoir voie opportune,
Le Cinthien passe d'inegal sault.
Tire à l'encontre. & donne maint assault.
Aux troupes veoir y ha misere grande,
Misere à veoir d'une chascune bande
Les conducteurs, le nombre diminue,
L'ample camp s'æuvre: & la court d'hömes nue.
Tandis les Roys, par grandement aymer
En vesue liët demenoient dueil amer,
Vng dur ennuy chascun d'culx presse & touche
De tant tenir sans compagne la couche.
L'amour premiere est immuable au cueur.
Mais le destin trop inique vainqueur
Force leur faict d'entendre à s'allier.
D'amour nouuelle, & se remarier.
Parquoy le Roy de la blanche cohorte
Au liët royal les pucelles enhorte,
De qui la Royne vng temps durant sa vie
Auoit esté fidelement seruye*

*Apollon
dict d'In-
thien du
moy de
Cynchus.*

Elles en dueil & amere destresse
 Apres la mort de leur chere maitresse
 Tiroient en vain leurs iavelotz & dardz
 Parmy les rengs & les mores soldartz,
 Preste a mourir chascune expose l'ame,
 Pour la vengeance & la mort de sa dame.
 Mais le Roy veult, ains qu'il en pregne aucune
 Bien esprouuer, & scauoir de chascune
 Le cueur viril : afin qu'en digne arroy
 La plus vaillante entre en couche de Roy.
 Doncq' de courage entier & magnanime
 D'aller au siege ennemy les anime:
 Et iusqu'au fons du camp si que lon gaigne
 Le reng dernier au bout de la campagne.
 Car esperer, comme espouse loyalle
 De paruenir à la couche royalle
 Nulle ne peut (& la loy le deffend)
 Fors celle là qui la bataille fend:
 Et qui parmy les bandes aduersaires,
 Oultrepassant tous les rengs necessaires,
 Ayt seule attainct, sans mort, prise, ou deffense,
 La haulte court du grand Roy qu'elle offense.
 Le cueur s'eslieue aux gentes filles doncq.
 Et en suyuant le chemin droict & long,

La guerre du Roy blanc,

*Passent les fortz & dangereux destroictz,
Mais plus legere estoit l'une des troys,
Qui deuant marche: & d'alleure decente
Au costé droict va la derniere sente.
Elle s'esgaye: agitant en courage
De paruenir au loyal mariage.
Les autres ia d'espoir mal asseurées
Estoient bien loing derriere demeurees.
Ceste cy vole à sa haulte entreprise.
L'honneur sur tout, la gloire qu'elle prise,
Le loyer ample entre les damoiselles
Aux piedz legers luy adioustent des aeles,
Ay tirer n'y ha chose qui tarde.
Et le Roy noir, ne l'empesche ne garde
D'executer le faict ou elle tend.
Car luy aussi de son costé, entend
A mariage, & qu'en la chambre sienne
Venue & en dueil, nouuelle espouse vienne.
Les filles doncq, puis l'une d'une part,
Puis l'autre passe: & ia au siege quart
Mercure auoit sa pionne lancée,
Mais d'une marche elle est peu aduancée.*

*Royne blā-
che d'un pi-
on blanc.*

*Ora la blanche estoit venue à chef
De son desir: & sans peur de meschef*

Ayant passé de bardiesse extreme
Tous les quarreaux, tenoit le reng supreme
Le Roy commande à l'heure qu'on apporte,
Les ornemens de sa compagne morte.
Le siege exquis: le thiare duysant
Au royal chef: & le sceptre luyssant.
L'un fait l'honneur du liét qu'elle merite.
Si que du bien d'himenée elle herite.

La bande blanche en allegresse gaye
Assault la noire. Et lors le filz de Maie
De larmoyer ne peut tenir ses yeulx.
Et de propos iniurians les cieux,
Son vestement couloré par despio
De sa poictrine il tira & rompit.

Il ne restoit à la pucelle noire,
Qu'vng seul degré pour au but de sa gloire
Venir attaindre: ha dolente qu'elle est,
Mais l'Elephant dressé luy donne arrest,
Chargé de tours, qui en la droicte roye
De la tuer, & d'en faire sa proye
Luy fait la peur, si occuper elle ose
Le dernier siege, & si elle s'y pose.
De tout vng traict qui de long tire & vient
Entierement l'arrieregarde il tient.

F.ij.

Le roy blanc
empesche le
pion noir
d'aller a
dame.

La guerre du Roy blanc,

*Et la guettant de soigneuse maniere,
Deffend le pas de la ligne derniere.*

*Ce temps pendant la nouvelle espousée
A s'esjouyr grandement disposée,
Pour le nouveau mariage combat:
Et par le camp maint combattans abat.
L'honneur nouveau la fortune qui volle
La rend enflée: & haultement l'estolle.
Comme le fouldre elle passe: & rue elle
Sur le camp noir, horriblement cruelle,
Les astres elers d'armes espouuantant.
Grande horreur ha le more combattant
De son regard, que trop il craint & haiet
Et d'estre en terre engloutty faiet souhaet.
Fouyr veoit on ces gendarmes noircyz,
Tremblans d'effroy au bruiet du grand froisis.
En tel effort, des ennemys la crainte,
A se serrer leur faiet force & contraincte.
Et à l'entour de son Roy chascun court,
Tire, & s'amasse au milieu de la court,
Ne plus ne moins que quant à la pasture
Les vaches sont esparses d'adventure,
Sentans le loup qui s'approche, elles tremblent
Et a l'instant en vng amas s'assemblent.*

Le fort toreau conducteur de la harde
Vont requerrir, qu'il les deffende & garde,
Enuiron luy viennent tous à la fois,
Mugissent tous d'une enrouée voix,
Entrepoulsans leurs cornes en gros nombre
A leur meugler retentif le boys sombre.

Mais de furie esprise la princesse
Victorieuse, au dos charge sans cesse
Ses ennemys effroyez par la plaine.
Sur tout, la mort & la derniere peine
Appreste au Roy: & sans aucun relais
Bat, tire, & poulse, à l'entour du palais
Puis çà, puis là, rue en grand' aspreté,
Et si l'esprit seur en elle eust esté,
Prendre elle eust peu en la quatriesme ligne
Vng quarreau blanc, qui obliquement guigne:
Et de l'ysue eust peu clorre le pas.
C'estoit le poinct dernier, & le trespas
Du grand Roy more, & de la bande obscure.
Là son dur sort eust lamenté Mercure.
Car le chemin estoit seur & ouuert
Pour le Roy prendre, & tenir descouert,
Et ne pouoit aucun de son party
Du cop mortel, le rendre garanty

La guerre du Roy blanc,

Bien l'apperceut Mercure: & l'entendane
Son cueur battoit dedans luy ce pendant
De peur douteuse. A l'heure cault & fin
Presse Apollo de se haster, affin
Qu'a le matter le cop poinct il ne voye
Et de propos le penser luy desuoye,
De tant tarder le reprend, & le poingt.

Astuce de
Mercure.

Veux-tu tousiours demeurer en ce poinct?
N'as-tu en toy vergogne? & ne crains-tu
D'estre estimé couard & sans vertu?
Le plus souuent tu as la langue preste
A me tenser, des qu'vng petit t'arreste.
Tu veux (ce croy-ie) icy la nuit attendre
Pour separer d'entre nous le contendre.

Ce dire esmeut Apollo en l'esprit.

Apollo
prenant vn
pion, fault
à donner le
mat.

Et sans esgard, pour vng pion qu'il prit,
Passa le poinct de sa fortune bonne.
Soudain le Dieu Cillenien se donne
Grand' ioye au cueur, & en toute allegresse
Sa haulte voix aux estoilles adresse.
Lors pour le Roy oster de ce danger
Va au deuant de la dame renger
Vng cheualier qui de cueur volontaire
Soustient les coups de la bande contraire.

Puis

Puis a par soy le moyen va resouldre
 Pour l'Elephant mort abbatre en la pouldre
 Qui de poil blanc, empeschoit la brunette
 D'atteinre au but: ou de cueur franche & nette.
 Elle tendoit pour femme au Roy se ioinre.
 Si courbe l'arc, & d'un trait le va pomdre.
 La beste meurt du coup non guerissable:
 Et en mourant tombe à plat sur le sable,
 Tandis qu'en vain Apollo rue & bat
 De tous costez, pour rendre le Roy mat.
 Lors sans danger la noire se despesche
 D'entrer au siege: & Phebus ne l'empesche.
 Si est au Roy ioincte en loy coniugalle.

Le roc blanc
 pris, & la
 pion noir à
 dame.

Les deux partyz adoncq de force egalle
 Vont renforceant leurs charges furibondes.
 Et font marcher les deux Roynes secondes,
 Or sur ce poinct, combien que l'esperance
 En doute fust, & n'y eust assurance
 Du sort en guerre incertain, neautmoins
 Mercure, autant que s'il n'eust eu rien moins
 Que la victoire, & que ia par ses ariz
 Il fust venu au dessus des hazardz,
 Fainct vne ioye entiere au faux semblant.
 Et ses propos superbes redoublant,

La guerre du Roy blanc,

*(Qui est d'astuce vne maniere faulſe)
Se glorifie. Il se vante & surhaulte
Sa force au ieu, cōme grande & sublime
Et la part blāche il mesprise & deprime.*

*Tresbien le filz de Latone entendit
La ruzę caulte, & en ce poinct luy dit.
Fortune au sort du combat inhumain.
N'ha pas encor mis la derniere main.
Et tes propos sont ia tant glorieux,
Quand tu seras du tout victorieux,
En la bataille, adoncq' say mō du braue
Et par ses motz enflez me tiens esclauē.
Mais maintenant sans arrester beaucoup
Tout ton parler ie veux rendre a vn cop,
Friuole & vain. Ayant ce dit, anime
Sur l'ennemy, la Roynę magnanime.
Incontinent se renforcer alla
L'aspre meſlée, & s'esmeut ça & là,
Furie horrible: ayans tous entrepris
D'estre vainqueurs, & d'emporter le pris.
De hardiesse ilz passent à trauers,
Le fer, les traictz, & les perilz diuers.
Horreur par tout: par tout frayeur & craincte,
Et de la mort par tout figure mainte.*

Tous font visage: & chargent tous en somme:
 Se presentant brauement homme à homme.
 Chascun s'efforce & de veiller ha soing
 Pour repoulsier son aduersaire loing.
 L'un prend la chasse, & deuant l'autre fuit,
 Qui en son camp le rembarre & le suit,
 L'heur est entre-eulx variable, & fortune
 Les trompe, & paist d'esperance importune.
 Leurs cueurs tourmente: & les bat de rigueur
 Impatiens de si grande longueur.

Du camp des noirs la Royne encouragée
 Parmy les reings de la bande reingée,
 Contraire à soy, faisoit des meurtres maintz.
 Pas ne s'oppose à ses coups inhumains
 L'autre guerriere: ains vng secret sentier
 Prend pour passer, par les reings, au quartier
 Du grand Roy more. Et de fait, par effort
 Forçant le guest, & les gardes du fort
 Donne dedans: & d'une rage oulirée
 Entre au chasteau: rompt & brise l'entre:
 Et là de mort va menassant le Roy.
 Mais quand la noire, en si grand desarroy
 Dedans sa court voit la guerriere blonde,
 Taincte de sang qui largement abonde

La guerre du Roy blanc,

*Laisse l'amas comblé de ses deffaictes:
Laisse à tuer les traictes imparfaictes.
Tourne subit en arriere le pas,
Perd à courir l'aleine: & ne craint pas
Certainement s'opposer au mourir
Pour la partie & le Roy secourir:*

*Or à Phebus suruient a l'heure briefue
Chose plus grande, & à douloir trop griesue.*

Des cheualx reste à Mercure encor vng.

Si va errant le bon cheualier brun

Parmy le camp, faisant la volce haulte

Et de fureur ardent bondit & saulte.

Cesse il ne feist de donner maint eschée,

*Esciez pour
La Roynne.* *Tant qu'au Roy blanc & à la Roynne auccq*

Luyant l'assault, tint selon son desir

Lieu à propos ou il auoit loysir

Rendre abattu l'un ou l'autre aux alarmes.

Si les menace, armé de noires armes.

Ce qu'Apollo voyant, au cueur se meit,

Grande tristesse: & fort troublé gemit,

L'humour des yeulx luy tombe goutte à goutte.

Et ia desia son esperance toute

Toute sa force au rebours tire & fond.

Les dieux, tournans leur vueil, faueur ne font

Ayse est Arcas de l'heur dont il iouist:
 Et de l'oſtroy des haultiz dieu s'eſionist,
 Si que ſentant ioye au cuer bien auant,
 Aux aſtres clers va ſa voix eſleuant,
 Et ſa poictrine à l'inſtant réparée
 Reprit en ſoy la vigueur eſgarée.
 La Royne encloſt il fierſt doncq, & la rue
 Soubz les enfers, puis d'elle ainſi ſerue
 Alegrement prend la deſpouille exquiſe:
 Perdant ſans plus pour la dame conquiſe,
 Son cheualier le glaiue du Roy blanc,
 Pour ſe venger luy treſperce a le flanc,
 Phebus encor toutesfoys point ne part
 Priué d'eſpoir: ains combat pour ſa part.
 De reſte encor ſa bande partialle,
 Ha deux pions, & l'amour Martialle,
 Vng ieune archer, l'arc d'yuoire à la main:
 Qui font la guerre, & combattent en vain.
 L'eſpoir adoncq que chaſcun d'eulx perdit
 De ſon ſalut, au fort les enhardit
 Le triſte Roy qui de ſa mort approche
 Vont ſecourant, mais ores (ſans reproche)
 De tel ſecours, d'eſſore ny de raiſon
 Des deſſendeurs, n'a beſoing la ſaiſon.

La guerre du Roy blanc,
Le filz de Maie en cruauté se baigne,
Menant ses gens par toute la campagne
La Royne more, à force & grande instance
Charge & combat, l'enclos & resistance
Du Roy des blancs elle enuironne, affin
De le reduyre a la derniere fin.
Tant ça, que là, va d'egale fureur.
Et ne cessa les coups plains de terreur,
Iusques à tant que par trop infester
Elle eut deffaict ce qui pouoit rester
De la gent blanche & rauy le secours
Qui seul estoit pour le dernier recours.
Ainsi le Roy qui triste le cueur ha
Seul au milieu de son camp demitura:
Sans compaignie, & sans forces queloncques,
Comme souuent on veoit au ciel qu'à doncques
Que de sa flamme ardente Aurore esclaire
Au chariot amenant l'aube claire.
L'astre de Venus purement luyt encor:
Qui en luyfant plus neet & plus beau qu'or,
Part le dernier: & le ciel laisse à l'heure.
Aucun salut au Roy blanc ne demeure,
Et n'ha moyen dont salut il espere.
Si ne sort-il auecques vitupere,

Ains agité, cherche aux durs accidens
 A se cacher, sans dommage, dedans
 Ses ennemis, iusqu'a tant qu'au contraire
 Il n'ayt espace ou lien pour se retraire.
 Car si au Roy seulet (la loy est telle)
 Nul menaçant ne donne peur mortelle,
 Et n'y ha lieu tandis, ou sans danger
 De mort ou prise il se puisse renger,
 Rien n'est (en fin) de tant de travail pris:
 Et n'y ha cas d'effect, ne d'aucun pris.
 Ains tout labeur, pour l'honneur pretendu,
 Frustré se treuve, ~~en~~ en vain despendu.
 Si que nul d'eulx pour son los meritoire,
 N'emporte tiltre, ou seul nom de victoire.
 Doncq' le Roy blanc mal mené de mechef,
 Puis ça, puis là, puis dela de rechef,
 Parmi le camp desert, en mainte place
 Fuiet, & ses pas incertains entrelace.
 Le Roy dès bruns, de pres le serre & suiët.
 Et en suyuant laisse à celuy qui fuiët
 Tousiours espace entre deux pour sa fuiete.
 Puis quand de luy la marche il veit reduite
 Au reng dernier, à la Royne il ne tarde
 De commander que le pas elle garde.

Il n'y ha
 point de
 mat, si l'Es
 chee ne se
 donne.

La guerre du Roy blanc,

Du second reng, & de la ligne entiere:

Afin qu'il n'ayt moyen, lieu, ne matiere

Laisser la trace ou contrainct il le veoit.

Or le Roy blanc des lignes plus n'auit

Que la derniere: & là d'un pas vrgent

Le va serrer cil de la noire gent,

Mais il y a toutesfoys vng pas franc

Qui le Roy noir tient arriere du blanc.

En fin vaincu, à regret & enuie,

Prive d'espoir, s'arresta vis à vis,

Du braue more, importun sans repos,

Et lors la Royne ayant temps à propos

Se iecte au coing dernier: & pour sa proye

Guette le Roy tout du long de la roye.

En part aucune adoneq le miserable

N'ha lieu restant qui luy soit favorable,

Finalemen la dame qui se rue

Rude sur luy cruellement le tue

D'un cop d'espee au fer qui poingt & taille,

Et le dur sort meit fin a la bataille.

Dont tous les dieux, à l'effect rigoureux

Feirent grand feste en iectant cryz heureux.

Lors le vainqueur du fort Atlas yssant,

Par le riuage entrer s'esjouissant,

Et du Roy Maure. 26.

Maint broquart ieûle, & maint ppos moqueur
 Sur Apolla, qui ha grand dueil au cuer.
 Le pere adoncq' qui toute puissance ha
 L'appelle à soy: Mercure s'aduança
 L'a Iuppiter pour son heureux guerdon,
 D'un Caducée insigne luy fait don:
 Pour en tirer du palle enfer les ombres,
 Quant par le feu sont purgées d'encombres:
 Pour condamner les malheureux au fons
 De chartre obscure, aux tartares profondz;
 Pour endormir: pour esueiller aussi:
 Et au trespas du corps mort & transy
 Clorre les yeulx, qu'il arrouse & abbreue
 De l'eau dormante en Lethe triste fleuve,
 Depuis, monstrier aux mortelz il daigna
 Ce ieu de pris: & premier enseigna
 Les pas & traictz du combat à oultrance,
 Aux habitans de la fertile France
 Car (comme on dit) se pourmenant vng iour
 Au bord du Touure, en ce plaisant seiour
 Il viola Esbicquette s'amye,
 Qui atel cas certes ne pensoit mie.
 Si estoit-elle autant belle & de pris
 Qu'autre qui feust Ninphe gente au pourpris

Caducée,
 verge de
 Mercure.

La guerre du Roy blanc, & du Roy Maure.
De l'Angoumois, ayant graces insignes
Surprise fut en gardant les blancs cignes
Au bord de l'eau sur la mousse velue.
Mercure doncq', apres l'auoir pollue
Luy baille en don vne bataille sainte
De buy tourné, de blanc & de noir peinte:
Et le tablier portant en ordre gent
Diuers quarreaux, garny d'or & d'argent,
De ce present la conforte & soulage,
Pour recompense & pris du pucelage,
Ainsi perdu puis luy monstre la ruze
L'ordre, & les traictz, dont à iouer on vse.
Or aujour d'huy ce beau ieu, de la belle
Retient le nom, & garde l'honneur d'elle,
Si que Paris la tiu grande encore
En cest esbat la celebre & decore,
Et maintes gens diuerses & sauuages
Tant loing que pres, jusqu'aux derniers riuages,
Tout ce discours, des Nymphes s'entendiz
Au premier temps de mon aage, tandis
Que ie chantoys, passant heures & moys
Au plaisant bord du beau Touure Angoumois.

Fin de l'Eschiquier.

EXTRAICT DV PRI-
uilege du Roy.

PA R priuilege du Roy il est permis à
Vincent Sertenas, Libraire demourant
à Paris, faire imprimer & vendre vn
petit liure, intitulé, La guerre du Roy blanc, & du
Roy Maure, traduit par le seigneur des Masu-
res. Et est deffendu à tous Libraires, Imprimeurs,
& tous autres, de ne les imprimer ny faire im-
primer sur les coppies dudit Sertenas, iusques à
six ans apres cōme il appert par le priuilege sur ce
donné à Paris, le ix. iour de Iuillet, M. D. LVI.

Signé par le conseil,

De Courlay.



MC

